




REPÚBLICA DEMOCRÁTICA DE TIMOR LESTE

Programa Nasionál Dezenvolvimentu Suku **PNDS**

Relatóriu Mensal Fulan : Abril 2017



Programa Nacional de Desenvolvimento Sucos PNDS



OFFÍCIO

No: 259 /PNDS.MPIE-MAE/V/2017

Hato'o ba :
: Sua Ex. Cia Ministro Planeamentu e Investimentu Estratégico,
: Sua Ex. Cia Ministro Administração Estatal,
: Sua Ex. Cia Vicê Ministro Administração Estatal,
Assuntos : Relatoriu Progresu Implementasaun PNDS – Abril 2017

Excelencias,

Relasiona ho assunto nebe mensiona iha leten, liu husi biban ida ne'e, hakarak submete relatoriu mensal ba fulan Abril 2017. Relatoriu ne'e sei kobre ezeekusaun orsamentu no progresu faze III, Faze I siklu 2, Faze II siklu 2 no progresu global implementasaun Programa Nasional Desenvolvementu Suku (PNDS) bazeia ba relatoriu husi Komunidade.

Ida ne'e mak relatoriu mensal PNDS, ba Sua Excelências sira nian konsiderasaun no atensaun, Obrigada.



Dili, 19 Maiu 2017


Dulce Guterres Junior
Diretora PNDS

CC ba :

- EX.^{mo} Diretor Jeral Ajensia Desenvolvementu Nasional (DG-ADN),
- EX.^{mo} Diretor Jeral Desentralizasaun Administrativa (DG-DA),
- EX.^{mo} Diretor Jeral Servicos Cooperativos (DG-SC),
- Arquivo

KONTEUDU


1. Progresu gastu subsídiu husi relatoriu komunidade	2
2. Progresu atividades faze III & faze I siklus 2 no faze II siklu 2	4
3. Dezafius	14
4. Rekomendasaun	14

1. PROGRESU GASTUS NO FISIKU HUSI KOMUNIDADE

Esplikasaun konaba progresu gastu ezelesaun orsamentu PNDS ba Faze III, Faze I Siklus 2 no Faze II Siklu 2, fulan Abril 2017 mak hanesan tuir mai ne'e :


FAZE III

Progresu ezelesaun iha nivel comunidade ba iha 202 suku iha fulan Abril, Subsídium Infraestrutura gastu ona \$7,779,030.15 ou 90% husi total Orsamentu \$8,635,605.38. Atu hatene persentajen hare iha grafiku tuir mai ne'e :




FAZE I SIKLU 2

Progresu ezelesaun iha nivel comunidade ba iha 149 suku iha fulan Abril. Subsídium Infraestrutura gastu ona \$4,581,730.78 ou 69.09% husi total Orsamentu \$6,631,250.00. Atu hatene persentajen hare iha grafiku tuir mai ne'e :



FAZE II SIKLU 2

Progresu ezekusaun iha nivel comunidade ba iha 91 suku ba Subsídium Operasional gastu ona \$198,205.02 ou 31.55% husi total \$628,274.47 no Subsídium Infraestrutura gastu ona \$2,521,060.09 ou 62.62% husi total Orsamentu \$4,026,250.00. Atu hatene percentajen hare iha grafiku tuir mai ne'e:




2. PROGRESU ATIVIDADES

Progresu implementasaun atividade PNDS ne'ebe mak realiza ba fulan ida ne'e kona ba progresu atividades no atividades prinsipal husi planu implementasaun PNDS mak hanesan tuir mai ne'e :

FAZE III

Progresu implementasaun ba iha suku 202 no progresu atividades tuir siklu implementasaun mak tama ona ba etapa 11 no 12 (**Kompleta Konstrusaun no Enkontru akontabilidade Final**) . Esplikasaun detailu mak hanesan tuir mai ne'e:

- Projeto Final Faze III



- Husi 385 Projetus 384 projetus mak kompleta ona konstrusaun ou atinji ona 100%. No Projeto 1 mak sei prosesu kompleta konstrusaun.
- Iha 202 Suku, Suku 156 mak halo ona Enkontru Akontabilidade final no 46 Suku sei prosesu organiza enkontru no prosesu finalizasaun konstrusaun.
- Progresu rata-rata atinji ona 99.95%.




Kompleta Konstrusaun beé mos iha Suco Baboe Kraik, Postu Administrativu Atsabe-Munisipiu Ermera. Ho total Orsamentu \$19,444.16

FAZE I SIKLU 2

Faze I siklu 2 Suku sira nebe mak finaliza ona sira nian siklu 1, no agora dadaun, progresu atividade tuir siklu implementasaun mak tama ona ba etapa 11 (Kompleta Konstrusaun). Esplikasaun klaru kona ba progresu implementasaun atividades Faze I Siklus 2 nebe'e mak realiza ona iha fulan Abril 2017 maka hanesan tuir mai ne'e :


Projeto Final Faze I Siklu 2



Hare ba grafiku determina Projeto Final faze I Siklu 2 iha sorin, ita hare katak sektor dalan, ponte no kontrola cheias hetan porsentu bo'ot liu kompara ho sector sira seluk.

- Total Partisipasaun Komunitade Modul Treinamentu ba EJS Faze I Siklu 2 to,o Fulan Abril 2017

Total Partisipasaun Komunitade Iha Treinamentu Faze I Siklu 2



Grafiku iha sorin total partisipasaun Komunitade Treinamentu ba EJS iha Modul Treinamentu J-L ba Faze I siklu 2. Se ita hare ba grafiku iha sorin katak, persentajen Mane bo'ot liu kompara ho persentajen Feto.


- Iha faze ida ne'e total projetu hamutuk 216 projetu no projetu nebe'e kompletu ona konstrusaun hamutuk 57 projetus, falta 159 projetu mak sei prosesu kompleta konstrusaun.
- Husi 149 suku, 94 suku mak halo ona enkontru akontabilidade primeiru
- Progresu rata-rata atinji ona 88.40%



Aumenta Sala Eskola Primaria, iha Suku Baricafa, Postu Administrativu Luro, Municipiu Lautem, Total orsamentu \$14,388.16

FAZE II Siklu 2

- Faze II siklu 2, Suku sira nebe mak finaliza ona sira nian siklu 1, no agora dadaun, progresu atividade tuir siklu implementasaun mak tama ona ba etapa 9 (*Implementasaun Projeitu*). Esplikasaun klaru kona ba progresu implementasaun atividades Faze II Siklus 2 nebe'e mak realiza ona iha fulan Abril 2017 maka hanesan tuir mai ne'e :
- Projeitu Final Faze II siklu II**



- Faze ida neé implementa iha 91 suku ho total projeitus 143 no suku nebe mak halo ona enkontru akontabilidade dahuluk hamutuk 47 suku.
- Progresu rata rata atinji ona 77.53%



Projeitu Irigasaun Iha Suku Aelebere Postu Administrativu Iliomar, Municipiu Lautem.
ho nia distansia : 398,57 metrus, total Orsamentu \$ 44,000.00.

ATIVIDADE GERAL SECRETARIADO TECNICO PNDS (ST-PNDS)

Progresu atividades PNDS ne'ebe mak elabora kona ba atividades no atividades prinsipal husi ST-PNDS mak hanesan tuir mai ne'e :

- **Enkontru**

- PNDS realiza Forum integrado Munisipal no Nasional iha dia 10/04/2017 iha JL. Villa kona-ba planu asaun annual ba implementasaun Programa Nasional Desenvolvementu Suku (PNDS) tinan 2018. Enkontru ne'e Partisipa husi Directora PNDS, Xefe Unidade Operasional, Xefe Unidade administrasaun finansa, Diretor delegasaun 12 Municipiu no RAEOA, Parseiru Cardno no Funsionariu PNDS nasional. Total Partisipante hamutuk 36



- PNDS partisipa enkontru Planu Investimentu Integradu Municipal (PIIM) nebeé organiza husi miniteriu Administrasaun Estatal hodi koalia konaba proposta planu Investimentu Integrado Munisipal ne'ebé mai husi Aldeia no Suku hotu iha território tomak.

- **Sorumutu Reflesaun Annual Konaba Implementasaun PNDS 2016**

PNDS realiza sorumutu reflesaun annual iha Municipiu Viqueque, Ainaro no Rejiaun Administrativa Especial Oecusse Ambeno (RAEOA). Sorumutu Avaliasaun ho nia objetivu atu revé fila fali vantajen no dezvantajen ne'ebé ekipa Munisípiu sira infrenta iha implementasaun programa PNDS. Atividade neé partisipa husi Administradór Municipiu, Administrador Postu Administrativu, Diretor Delegasaun Municipiu, Autoridade lokal, Ekipa Jestaun Suku, Linas setorais, Ekipa PNDS Munisipál, ekipa PNDS Nasional no inklui ekipa apoiu PNDS husi Cardno.

Munisipiu	Mane	Feto
Viqueque	57	23
Ainaro	48	27
RAEOA	49	15



Diretor PNDS Munisipiu Viqueque, halo hela intervensaun iha Avaliasaun annual Programa PNDS.

- **Avaliasaun Inpaktu ba Treinamentu**

PNDS liu husi departementu Rekursu Humanu unidade treinamentu realiza avaliasaun ba impaktu treinamentu ba funsionario PNDS liu – liu ba Fasilitador Finansa no social iha teritorio tomak. Objetivu husi avaliasaun neé atu hatene impaktu jerál husi formasaun Fasilitasaun Komunitariu ba Fasilitadór sira.



Funsionario PNDS iha Nivel Postu Administrativu, prienxe hela formatu avaliasaun ba an rasik (Self Assesment)

• Treinamentu

- Treinamentu konaba ICT-Tools, objetivu husi treinamentu neé mak atu dezenvolve koñesimentu funsionáriu PNDS ninia konesementu oinsá atu beleutiliza ICT Tools iha servisu loron-loron. Total participante hamutuk 20;
- Treinamentu konaba rezolusaun konflitu, objetivu husi treinamentu neé mak atu hasa'e koñesimentu no kapasidade FSPA sira nian iha rezolusaun konflitu hodi bele apoiu EJS ho diak liu bain hira mosu konflitu ka problema iha implementasaun PNDS. Total participante hamutuk 24;
- Refresher training Objetivu husi treinamentu ne'e maka atu hasa'e kapasidade no skill enjeneiru sira nian foka liu ba iha area bee mós. Total participante hamutuk 14.



Ekipa IT PNDS fasilita hela treinamentu kona-ba ICT Tools ba Funsionario PNDS iha Nivel Nasional

3. Dezafius

- Iha suku balun membru ekipa jestaun suku ladun halao sira nia funsaun ho diak tamba kestaun insentivu ba ekipa jestaun suku ki'ik, hetan serbisu seluk, no balun kontinua eskola;
- Komunidade iha suku balun seidauk senti sai nain ba programa hanesan PNDS iha sira nian suku laran;
- Projeitu balun lao tarde tamba material konstrusaun tarde (tempu udan susar atu asesu dalan/ lori material ba fatin projeitu);
- Mudansa ba iha estrutura suku- membru Ekipa Jestaun Suku iha suku balu eleitu nudar xefe suku no membru konselho do Suku.

4. Rekomendasaun

- Persija kontinua halo treinamentu ba EJS no halo treinamento ba membru EJS foun;
- Ekipa PNDS sei halo sosializasaun ka deziminasaun program ba iha entidade hotu;
- Ekipa PNDS Nasional no Municipiu kontinua haforsa halo monitoring ba iha suku hodi bele fo suporta ba Implementasaun.



Sekretariadu PNDS :

Ministério do Planeamento e Investimento Estratégico

Rua de : Bedik Hun, Fatuhada-Dili Timor Leste

E-mail : info@pnds.gov.tl

Website : www.pnds.gov.tl